

կայր աւուրս բազում: 8 Ապա յղեաց կոչեաց առ ինքն զայգորդն, աղաչեաց զնա առնել ի վերայ Նորա աղաւթս, զի փրկեսցի նա ի ցաւոցն: 9 Այգորդն ասէր. Իսկ ես ո՞վ եմ, զի կարեմ զոք աւրհնել կամ անհծանել. թող թէ զայր եպիսկոպոս: 10 Իսկ նա բռնադատեր զնա յայնժամ. մինչեւ յառնէր այգորդն կայր յաղաւթս եւ ասէր. Տէր Աստուած. դու գիտես՝ զի ես այր մեղաւոր եմ եւ անարժան, ոչ գիտեմ զաղմուկս՝ յորում ըմբռնեցայս. դու փրկեա զիս յայս ի չարես, զի ասեն՝ թէ զայր եպիսկոպոս դու անհծեր, եւ ասեն՝ թո՛ւ բանիւ եղեւ: 11 Չի լաւ էր ինձ մահ. քանզի չգիտեմ զայս՝ զոր ինչ զինէն ասեն: 12 Եւ զայս ասացեալ՝ անդէն բժշկեցաւ եպիսկոպոսն, եւ սկսաւ յամենայն մարմնոցն փուշն ի բաց թափել. եւ էր իբրեւ զփուշ խոտոց. վաղվաղակի յարուցեալ ողջացաւ յախտէն:

ԳԼՈՒԽ Ժ.

1 Յաղագս Նորին Յոհաննու:

2 Սոյն Յոհան եպիսկոպոս որդի Փառինայ, յորժամ երթայր առ թագաւորն Յայոց, խաղակատակ լինէր Նոցա. որպէս խաղալովն զանձն իւր կրթեր յազահուրէան, որում ծարաւեալ պասքեալ փափաքեր, սակայն միհանեսք<sup>1</sup> այն էին Նորա: 3 Ի չորք անկեալ յոտս եւ ի ձեռս՝ սողեր առաջի թագաւորացն, եւ զուղտու զձայն ածեր կառաչելով, զաւրէն ուղտու այնպէս փարելով: 4 Ընդ կառաչելն ապա մի մի բան խառնելով առնէր ի ձայն կառաչելոյն, ասելով՝ թէ ուղտ եմ, ուղտ եմ, եւ զարթայի զմեղս բառնամ. դիք ի վերայ իմ զմեղս արթայի, թող բառնամ: 5 Իսկ թագաւորքն զմուրհակս զիւղաց կամ զազարակաց գրեալ եւ կնքեալ՝ դնէին ի վերայ որինն Յոհաննու փոխանակ ընդ մեղաց իւրեանց. եւ ի թագաւորացն Յայոց ստացաւ իւր գեւղս եւ ազարակս եւ զանձս յուղտն լինելոյ եւ զմեղսն բառնալոյ ըստ բանիցն: 6 Այսպիսի էր այրս Յոհանս կապեալ յըմժգութեան եւ յազահուրէան զամենայն աւուրս կենաց իւրոց. զայսպիսի գործս գործեր վասն ազահուրէան, որ չէր արժան:

ԳԼՈՒԽ ԺԱ.

1 Յաղագս Կիրակոսի եպիսկոպոսի:

2 Եւ էր եպիսկոպոսն Տայոց Կիրակոս, որ Շահապ անուն կոչէր, այր ճշմարիտ աստուածապաշտ ըստ կամացն Աստուծոյ, եւ ուղիղ ճշմարտութեամբ առաջնորդէր ժողովրդեան իւրում. եւ վարէր զեպիսկոպոսութիւն իւր ըստ կամացն Աստուծոյ զամենայն աւուրս կենաց իւրոց:

1 Ի Պատկանեան օրինակի՝ միհանեսք